



Broj predmeta: KSI-17-106/23

Datum: 09.06.2023. godine

## **GODIŠNJI PLAN PROVJERE IMOVINSKOG STANJA NOSILACA JAVNE FUNKCIJE U 2023. GODINI**

Članom 23. Zakona o sprečavanju sukoba interesa u institucijama Brčko distrikta BiH, propisano je da provjera podataka iz Izvještaja može biti prethodna i redovna.

Prethodna provjera izvršena je pri zaprimanju izvještaja provjerom ispravnosti formalnih elemenata propisanih članom 23. stav (2) Zakona za ukupno 203 nosilaca javne funkcije. Shodno članu 25. Zakona Komisija za odlučivanje o sukobu interesa, vrši provjeru tačnosti i potpunosti podataka iz Izvještaja.

Redovna provjera Izvještaja o imovinskom stanju izvršit će se tokom 2023. godine provjerom tačnosti i potpunosti podataka iz Izvještaja, dostavljenih od strane nosilaca javne funkcije uspoređivanjem podataka iz Izvještaja sa prikupljenim podacima od organa i pravnih lica u zemlji i inostranstvu, koji raspolažu informacijama, odnosno organa i pravnih lica, koja vode evidencije o podacima, na sljedeći način:

- Za novoimenovane nosioce javne funkcije u svim organima, institucijama, pravnim licima koje osniva Distrikt, pravnim licima kojima je povjerenje vršenje javnog ovlaštenja i lice koje je imenovano, odnosno na čiji izbor ili imenovanje suglasnost daje Skupština ili Vlada Brčko distrikta BiH
- Za nosioce javne funkcije čiji Izvještaji o imovinskom stanju za 2022. godinu sadrže podatke drugačijeg sadržaja u odnosu na Izvještaje iz prethodnog perioda (novo auto, štednja i sl.)

Redovnu provjeru podataka obavljat će stručni saradnici za sukob interesa, upoređivanjem upisanih podataka iz Izvještaja sa podacima o imovinskom stanju prikupljenim od organa i pravnih lica u zemlji i inostranstvu, koji raspolažu sa informacijama, odnosno organa i pravnih lica, koja vode evidencije o podacima, i to:

Direkcija za finansije, Osnovni sud Brčko distrikta BiH, nadležna Odjeljenja Vlade Brčko distrikta BiH, Centralne banka i poslovne banke, Policija Brčko distrikta BiH i drugi organi i institucije u zemlji i inostranstvu, koja vode evidenciju o podacima.

Sve navedene provjere podataka će biti završene najkasnije do 30.11.2023. godine, a postupci o povredi odredaba Zakona o sprečavanju sukoba interesa u institucijama Brčko distrikta BiH vodit će se u toku tog perioda, a najkasnije do 31.12.2023. godine, te svi pokrenuti postupci okončati najkasnije do 31.03.2024. godine.

Komisija je primorana znatno umanjiti broj provjera u odnosu na rad tokom 2022. godine, obzirom na privremenu spriječenost na rad viših stručnih saradnika za sukob interesa i nemogućnosti popunjavanja navedenih pozicija zapošljavanjem drugih osoba, kako zbog propisa koji regulišu popunjavanje pozicija, tako i zbog zaštite ličnih podataka nosilaca javne funkcije.

Pozitivnim odredbama Zakona iz oblasti rada i radnih odnosa propisano je, da zaposlenici imaju pravo koristiti porodiljsko odsustvo i u tom periodu može doći do popunjavanja radnih mjesta zamjenom novozaposlenim radnicima do njihovog povratka na rad, a nikako do popunjavanja pozicija u slučaju privremene spriječenosti za rad zbog zdravstvenih problema (čuvanje trudnoće).

Takođe i u slučaju zapošljavanja novih službenika novozaposleni viši stručni saradnik za sukob interesa neće imati dovoljno stručnosti u ovom segmentu rada komisije, kao ni viši stručni saradnici koji već obavljaju poslove koji su iz oblasti sukoba interesa, nego su opšti, pravni poslovni, rad i radni odnosi i slično.

Ovaj Plan provjere donesen je na 57. sjednici Komisije za odlučivanje o sukobu interesa održane 09.06.2023. godine.

Predsjednik  
Komisije za odlučivanje o sukobu  
interesa

-----  
Admira Mujić, dipl. pravnik

**Dostaviti:**

1. Evidenciji i
2. Arhivi.